

Til Vg1-elevar som skal starte på KVV skuleåret 2025-2026

Gratulerer med elevplass ved Kvinnherad vidaregåande skule.

Det er ei glede å ynskja deg velkomen til skulen vår. Vi håpar at vi som arbeider her kan innfri forventningane dine til dette skuleåret. Vi vil gjera alt vi kan for at du skal få eit godt og lærerikt år.

Skulestart er torsdag 14. august kl 08.00. Oppmøte ved hovudinngangen på skulen, der treff du kontaktlærar og klassen din.

Dersom du veit at du ikkje kan møte første skuledag, er det svært viktig at du gjev oss melding om dette. Det kan du gjera ved å senda oss ein e-post: post.kvv@vlfk.no
Dersom du ikkje gjer dette, kan skuleplassen din bli gitt til ein annan søker.

Oppstartsprogram.

Ved KVV gjennomfører vi eit eige oppstartprogram for alle Vg1-elevar. Programmet omfattar VIP-makkerskap, stasjonsundervisning med informasjon om skulen vår, og startsamtale med kontaktlærar.

VIP-makkerskap: Målet med dette programmet er å styrkja skulemiljøet ved å skapa eit inkluderande skulemiljø, der færre elevar skal oppleve at dei fell utanfor.
Før skulestart har kontaktlæraren din laga klassekart, og du får ein pult med namnet ditt på i klasserommet. Dette vil vera din faste arbeidsplass dei første skulevekene. Lærarane vil gjennomføra ulike aktivitetar slik at du skal bli kjend med dei andre som går i klassen din. Vi har eit stort fokus på at du skal oppleve eit trygt og godt klassemiljø her hos oss.

Du kan lesa meir om VIP- makkerskap her: [VIP Makkerskap - Vestre Viken](#)

Alle Vg1-elevar vil bli kartlagt i lesing, rekning og engelsk. Kartleggingstestar av elevane sine ferdigheiter, saman med startsamtalet, vil gje skulen viktig informasjon som grunnlag for seinare eventuell tilrettelegging av opplæringa.

Lærebøkene vert lånt ut gratis. Desse låner du på skulebiblioteket vårt. Kladdebøker, skrivesaker og liknande må du kjøpa sjølv. Som ny elev må du skrive under på ein elektronisk lånekontrakt for å få låna lærebøker. Kvitteringa som du får på e-post etter å ha signert kontrakten, viser du til bibliotekaren når du skal låna bøker. For å kunne signere kontrakten treng du MinID, BankID, BankID på mobil eller liknande. Du kan oppretta låneavtale på denne linken: https://tjenester.vlfk.no/opplaering/person/lanekontrakt_elev

Datamaskina er eit nødvendig verktøy for deg som elev ved ein vidaregåande skule. Du vil få bruk for maskina, både i undervisninga og til administrative gjeremål. Du har sjølv ansvar for å stille med berbar datamaskin ved skulestart.

Du kan velje å bruke eiga maskin, eller kjøpe i butikk. Du kan òg kjøpe elev-pc til subsidiert pris gjennom leverandøren til Vestland fylkeskommune. Du kan lesa meir om dette her:

<https://www.vestlandfylke.no/utdanning-og-karriere/elev/elevpc/>

Skuleskyss:

Elevar med meir enn 6 km avstand mellom heim og skule, har rett på gratis skyss til skulen. Du får skyss-kort på skulen. Elevar som har mindre enn 6 km til skulen, kan kjøpa ungdomskort.

Lån/stipend: Alle elevar med såkalla ungdomsrett, får utstyrsstipend frå Statens lånekasse. Det er ulikt beløp på stipenda for dei ulike programområda. Du må sjølv søkja om slikt stipend.

Nettsøknad finn du her: www.lanekassen.no

For at du skal lykkast med opplæringa er vi avhengig av eit godt samarbeid med deg som elev. Ta godt vare på skuleplassen din og bruk tida på KVV til å skaffa deg ei god utdanning.

Vi gler oss til å møta deg og bli kjend med deg.

Det vert **foreldremøte** for elevar på VG1 studieførebuande og yrkesfag
tysdag 26. august kl 18.00 i kantina på skulen.

På nytt velkomen til Kvinnherad vidaregåande skule!

Med vennleg helsing

*Morten Vevatne
Rektor*